

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Euskara, Kultura eta Kirol Saila**

Bizkaiko Foru Aldundiaren 82/2019 FORU DEKRETUA, uztailaren 9koa. Honen bidez, diru-laguntza foralen oinarri arautzaileak eta deialdia onesten dira 2019ko ekitaldian zehar antzerki, musika eta dantza arloko ikuskizunen programazioak egin ditzaten SAREAn dauden Bizkaiko Lurralde Historikoko udalek, udal erakunde autonomoek eta udal sozietate publikoek.

Autonomia Erkidego Osorako Erakundeek eta Lurralde Historikoetako Foru Erakundeek arteko Harremanei buruzko azaroaren 25eko 27/1983 Legeak ezartzen duenarekin bat etorritik, Bizkaiko Foru Aldundiari soilik dagokio, besteak beste, honako arlo hauen eskumena: lurralde historikoaren titulartasunekoak diren eta arte ederrekin eta artisautzarekin zerikusia duten artxibo, liburutegi, museo eta erakundeak, bai eta lurralde historikoarentzat interesgarriak diren kultura-erakundeak sortzea eta haiei eustea.

Bizkaiko Foru Aldundiaren martxoaren 6ko 22/2018 Foru Dekretuak, zeinak Bizkaiko Foru Aldundiko Euskara eta Kultura Sailaren egitura organikoari buruzko erregelamendua onesten duen, sail horri eskumen hau esleitzen dio: Bizkaian kultura sustatu eta zabaltzea, gure kulturaren ezagutza eta garapenetik abiatuta eta beste kultura guztiei atek zabalduz.

Inguru horretan, Eusko Jaurlaritzak, foru-aldundiek eta lurralde historikoetako udal batzuek Euskadiko Antzoki Sarea-Red de Teatros de Euskadi (SAREA) sortu zuten orain urte batzuk, ikuskizun eszenikoak zabaldu eta jendaurrera hurbiltzeko ahaleginak bateratzeko.

Euskadiko Antzoki Sarea-Red de Teatros de Euskadi (SAREA) sareak badu gomen-datutako lanen katalogo bat antzerki eta dantza eremuetan, kalitatean gutxieneko maila bat bermatzeko; hori ez ezik, badu musika-ikuskizunen katalogo bat, diruz lagundu daitezkeen lanen profila zehazteko.

Sare horretan antzokia daukaten Bizkaiko udalak aipatzeko moduko ahaleginak egiten ari dira aspaldidanik, arte eszenikoen zuzeneko emanaldien programazioari dagokionez (antzerkia, dantza eta musika).

Kontuan hartuta udalek zuzenean edo haien erakunde autonomo eta sozietate publikoen bidez egiten duten ahalegin ekonomiko garrantzitsu hori, eta jarduera horrek gure lurraldeari dakarkion garapen kultural eta ekonomikoaz jabetuta, Bizkaiko Foru Aldundiak beharrezkotzat jotzen du programazio horietan lagundu eta horiei laguntza eskaintzea.

Horregatik guztiagatik, arte eszenikoen arloko programazio egonkorra sustatzeko, eta jendeari ikuskizun eszeniko horietara joateko erraztasunak jartzeko, Bizkaiko Foru Aldundiak urtean-urtean argitaratzen du foru-dekretu honen bitartez diru-laguntza foralen deialdia.

Foru-dekretu honek bete egiten ditu erregulazio onaren printzipioak; printzipio horiek Administrazio Publikoaren Administrazio Prozedura Erkidearen urriaren 1eko 39/2015 Legean aurrez ikusten dira eta Bizkaiko Foru Aldundiaren urtarrilaren 17ko 2/2017 Foru Dekretuaren 3. artikuluan jasotzen dira (foru-dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Foru-dekretu horretan xedatutakoa kontuan hartuta, txosten hauek eman dira foru-dekretu hau egin denean:

1. Proiektua sustatu duen sailaren txosten juridikoa.
2. Generoaren eraginaren aurretiazko ebaluazioari buruzko txostena.
3. Kontrol ekonomikoari buruzko txostena.
4. Legezketasunari buruzko txostena.



Bizkaiko Kondaira Lurraldeko Foru Erakundeen Hautapen, Antolaketa, Erregimen eta Funtzionamenduari buruzko otsailaren 13ko 3/1987 Foru Arauaren 39.k) artikulua ezartzen du foru-diputatuen eskumena dela, besteak beste, Foru Aldundiari proposamenak aurkeztea haien sailtako gai buruzko foru-dekretuen proiektuak onets ditzan. Bestalde, Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren 16.1 artikulua ahalmena ematen dio Bizkaiko Foru Aldundiari diru-laguntzen ematea arautzen duten oinarriak onesteko. Eta, azkenik, Diru-laguntzen Erregelamendua onesten duen Bizkaiko Foru Aldundiaren martxoaren 23ko 34/2010 Foru Dekretuaren 41.1 artikulua aukera ematen du diru-laguntzen oinarri arautzaileak eta deialdia batera izapidetzeko, eta ezartzen du Bizkaiko Foru Aldundiaren Gobernu Kontseiluari dagokiola onestea egintza bakarrean.

Hori dela bide, Euskara, Kultura eta Kirol Saileko foru-diputatuaren ekimenez, eta Bizkaiko Foru Aldundiak 2019ko uztailaren 9ko bileran aztertu ondoren, honako hau

XEDATZEN DUT:

Artikulu bakarra.—*Foru Aldundiaren diru-laguntza batzuen oinarriak eta deialdi publikoa onestea*

Euskara, Kultura eta Kiroleko Foru Sailak ematen dituen diru-laguntza foralen oinarri arautzaileak eta deialdia onesten dira, betiere 2019ko ekitaldian zehar antzerki, musika eta dantza arloko ikuskizunen programazioak egin ditzaten SAREAN dauden Bizkaiko Lurralde Historikoko udalek, udal erakunde autonomoek eta udal sozietate publikoek.

I. TITULUA

XEDAPEN OROKORRAK

1. oinarria.—*Diru-laguntzaren xedea*

1. Hauxe da foru-dekretu honen arabera diru-laguntza jaso dezakeen jardura: antzerki, musika eta dantza arloko programazioa, baldin eta SAREAN dauden Bizkaiko Lurralde Historikoko udalek, udal erakunde autonomoek eta udal sozietate publikoek eskaintzen badute.

Diru-laguntzaren eskabidean aurkeztutako proiektuak 2019ko ekitaldian zehar gauzatu beharko dira.

2. Zikloetan edo jaialdietan sartutako programazioa foru-dekretu honen aplikazio-eremutik kanpo geratzen da, Bizkaiko Foru Aldundiko sail honen edo beste baten beste diru-laguntzaren bat jasotzen badu.

3. Diru-laguntza jaso dezakeen gastutzat hartuko da ikuskizunen katxeta; katxet gisa, berriz, kontratazio-gastuak hartuko dira, eta haren barruan BEZa sartuko da baldin eta BEZ hori ezin bada berreskuratu edo konpentsatu.

Kasu horretan, BEZarekin agertu behar dute gastuen zenbatekoek, hala eskabidean agertzen den aurrekontuan, nola diru-laguntzaren justifikazioarekin batera aurkeztuko den aurrekontu gauzatuan.

Betiere, diru laguntza jaso dezakeen gastutzat joko dira batere zalantzarik gabe lagundutako jardueraren izaerarekin bat datozenak, guztiz beharrezkoak direnak eta ezarritako epearen barruan egiten direnak, baina diru-laguntza jaso dezaketan gastuen eskuraketa-kostua ezin da inola ere izan merkatuko balioa baino handiagoa.

4. Honako hauek, berriz, ez dira diruz lagundu daitezkeen gastuak:
 - a) Ekoizpen-gastuak.
 - b) Erakunde eskatzailearen egitura kudeatzeagatik sortutako gastuak (langileen gastuak, lokalak mantentzeko gastuak eta egitura funtzionala mantentzeko gastuak).
 - c) Ekipo-ondasunak erostea, baldin eta haien amortizazioa luzeagoa bada foru-dekretu honetan jasotzen diren jarduerak egiteko epea baino.
 - d) Banku-kontuen zorrak sortutako interesak.



- e) Interesak, errekarguak, administrazio-zehapenak eta zigor-zehapenak.
 - f) Prozedura judizialen gastuak.
 - g) BEZa, baldin eta berreskuratu edo konpentsatu badaiteke. Kasu horretan, BEZik gabe agertu behar dute gastuen zenbatekoek, hala eskabidean agertzen den aurrekontuan, nola diru-laguntzaren justifikazioarekin batera aurkeztuko den aurrekontu gauzatuan.
 - h) Oro har, maiatzaren 31ko 5/2005 Foru Arauaren 29. artikularekin bat etorrira, beren-beregi kanpo utzitakoak.
5. Foru-dekretu honen helburua erakunde eskatzaileen ekintzak lagundu eta osatzea da; horregatik ez dira inoiz finantzatuko jardueraren ondoriozko gastu guztiak.

2. oinarria.— Erakunde onuradunak

1. Foru-dekretu honen onuradunak bakar-bakarrik izango dira Bizkaiko Lurralde Historikoko udalak, udal erakunde autonomoak eta udal sozietate publikoak, SAREAN daudenak, eta, onuradun izateko, maiatzaren 31ko 5/2005 Foru Dekretuaren 12. artikuluan ezarritako kasuetan ez egoteaz gainera, baldintza hauek bete beharko dituzte, nahitaez:

- a) Ekipamendu eszeniko egonkorra izatea (antzokia, entzungela...), proposaturiko programaren beharrezkoetarako egokia, indarreko legeriak eskatutako segurtasun-neurri guztiak betetzea, eta antolatzen diren ikuskizunetarako erantzukizun zibileko aseguruia izatea.
 - b) 2019ko ekitaldian zehar egiten diren programen alderdi tekniko guztiak koordinatzen dituen arduradun bat edukitzea.
 - c) 2019ko ekitaldian parte hartzen duten konpainia edo artistak kontratatuzko gastuei erantzun ahal izateko aurrekontuko partida egokia izatea.
 - d) Urtean, gutxienez, zortzi (8) ikuskizun antolatzea, antzerki, musika eta dantza arloko ikuskizunetan. SAREAn 2019an zehar sartu diren udalei, udal erakunde autonomoei eta sozietate publikoei dagokienez, programazioaren barruan sartu behar diren ikuskizunen gutxienezko kopurua udalak aurtengo ekitaldian SAREAN daraman hil kopuruaren araberakoa izango da.
 - e) Musika ikuskizunetan, urtean bi (2) ikuskizun ezberdin programatzea gutxienez.
 - f) Gutxienez 3 euroko sarrera kobratzea ikusle bakoitzari, diru-laguntza jasotzeko aurkeztu diren ikuskizun guztietan.
2. Sexua dela-eta inor baztertzegatik administrazio-zehapena edo zehapen penala jaso duten erakundeek ezin izango dute foru-dekretu honetan araututako deialdian parte hartu, dagokien zehapena indarrean dagoen bitartean; halaber, Emakumeen eta Gizonen berdintasunerako ekainaren 20ko 4/2018 Foru Araua dela-eta debeku hori ezarri zaienak ere foru-dekretu honek arautzen duen deialditik kanpo geldituko dira.

II. TITULUA

ARAUBIDE JURIDIKOA

3. oinarria.— Aplikatu beharreko araudia

Foru-dekretu honetan jasota ez dagoenerako, honako hauek ezarriko dira: Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Araua, martxoaren 23ko 34/2010 Foru Dekretuaren bidez onetsitako Diru-laguntzen Erregelamendua, eta, haien guztien osagarri moduan, Administrazioen Publikoen Administrazio Prozedura Erkidearen urriaren 1eko 39/2015 Legea, Sektore Publikoaren Araubide Juridikoaren 2015eko urriaren 1eko 40/2015 Legea eta beste edozein xedapen arauemaile, duen izaeragatik ezartzeko modukoa baldin bada.

**4. oinarria.— Arau-hausteak eta zehapenak**

Arau-hauste eta zehapenei dagokienez, Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren IV. tituluan xedatutakoa ezarriko da, bai eta arau hori garatzen duen erregelamenduaren IV. titulua ere.

**III. TITULUA
PROZEDURA****5. oinarria.— Eskabideak aurkezteko lekua eta epea**

1. Administrazio Publikoen Administrazio Prozedura Erkidearen urriaren 1eko 39/2015 Legearen 14.2.a) artikulua arabera, diru-laguntzetarako eskabideak Bizkaiko Foru Aldundiaren egoitza elektronikoaren bidez aurkeztu beharko dira (<https://www.ebizkaia.eus/eu/hasiera>).

2. Eskabideak aurkezteko epea irailaren 3an hasiko da eta 2019ko irailaren 19an amaituko (egun biak barne).

6. oinarria.— Aurkeztu behar diren agiriak

1. Eskabideak aurkezteko, Bizkaiko Foru Aldundiaren egoitza elektronikoa bete eta aurkezteko dauden eredu espezifikoak erabili behar dira (<https://www.ebizkaia.eus/eu/hasiera>), 39/2015 Legearen 66.6 artikuluan ezarritakoarekin bat.

2. Eskabidearekin batera, dokumentazio orokor eta espezifiko hau erantsi beharko da:

- Espazio eszenikoaren arduradunak emandako ziurtagiria, non jasotzen den foru-dekretu honen 2.1 oinarriko a, b, c, d, e eta f apartatuetan ezarritako baldintzak betetzen direla.
- Banku-helbideratzearen fitxa, behar bezala beteta, alta edo aldaketaren bat egon bada, bakarrik.
- Pertsona fisiko batek NAN elektronikoa erabili badu eskabidea egiteko jarduteko ordezkaritza-ahalordea aurkeztu beharko du.

3. Bizkaiko Foru Aldundiak egiaztatu egingo ditu eskabidea sinatzen duen pertsonaren identifikazio-datuak.

Halaber, Bizkaiko Foru Aldundiak eskatzailearen banku-kontuaren titulartasun-datuak, betiere eskatzaileek berariaz uko egiten ez badiote horri.

Datu pertsonalak eskuratzeko modua bat etorriko da Datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzko Europako Parlamentuaren eta Kontseiluaren 2016ko apirilaren 27ko 2016/679 Erregelamenduan (EB) eta erregelamendu hori garatzen duen araudian ezarritakoarekin bat, bai eta Datu pertsonalak babestu eta eskubide digitalak bermatzeko abenduaren 5eko 3/2018 Lege Organikoan ezarritakoarekin bat etorritik.

4. Halaber, eskaera hau sinatuta baimena ematen zaio Euskara, Kultura eta Kiroleko Foru Sailari Ogasunaren eta Gizarte Segurantzaren ziurtagiriak eskatzeko, Diru-laguntzei buruzko maiatzaren 31ko 5/2005 Foru Arauaren 21.3 artikuluan ezarritako ondorioetarako.

7. oinarria.— Eskabideak zuzentzea edo hobetzea

1. Eskabideak behar bezala beteta ez badaude, edo eskabidearekin batera foru-dekretu honetan eskatutako agirietakoren bat aurkeztu ez bada, errekerimendua egingo zaio erakunde eskatzaileari, hamar (10) egun balioduneko epearen barruan akatsa zuzendu dezan edo beharrezko agiriak aurkez ditzan. Era berean, ohartaraziko zaio ezen, hala egiten ez badu, eskaeran atzera egin duela ulertuko dela eta, behin ebazpena emanda, eskaera artxibatu egingo dela.



2. Edonola ere, Kultur Ekintzako Zerbitzuak aurkezten diren eskabideak behar bezala ulertzeko eta ebaluatzeko beharrezkotzat jotzen duen informazio osagarri guztia eskatu ahal izango du.

8. oinarria. — Diru-laguntzak emateko araubidea

Kontuan harturik foru-dekretu honen xedea SAREAn sartuta dauden erakundeek arte eszenikoen arloan egiten duten programazio egonkorra laguntzea dela baldin eta erakundeok betetzen badituzte 2.1 oinarrian ezarritako baldintzak, deialdi honetako diru-laguntzak emateko araubidea salbuespeneko hainbanaketa-sistema izango da.

Laguntzak emateko prozedura honek salbuespenekoak dira ezohikoa den norgehiagokaren araubide orokorrari dagozkionez, eta eurok babesa dute Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren 20.1 artikuluan.

Hainbanaketa sistema honen bidez, deialdi honetan eskatutako baldintzak betetzen dituzten erakundeei ematen zaizkie diru-laguntzak, aurkeztutako proiektuen arteko erka-ketarik egin gabe.

9. oinarria. — Diru-laguntzak emateko irizpideak

1. Foru-dekretu honetan araututako diru-laguntzak ikuskizunen katxetaren arabera emango dira; kontratazio-gastuek osatzen dute katxeta, eta, beraz, ekoizpen-gastuak kanpoan geratzen dira.

Diru-laguntzen modalitate hauek ezartzen dira:

a) Musika-ikuskizunaren kostuaren proportzioaren arabera diru-laguntza.

Modalitate honetako eskatzaileek gutxienez ere bi (2) ikuskizun eta gehienez ere bost (5) ikuskizun aurkeztu behar dituzte, eta haietako gutxienez ere laurentzat (4) ziurtatzen da diru-laguntza. Bizkaiko Foru Aldundiak ikuskizunen kosturako diru-laguntza emango du. Kostua BEZik gabeko katxeta izango da baldin eta erakundeak BEZ hori berreskura badezake edo hari konpentsa badieziokete, bestela katxeta gehi BEZa; horretarako dagoen kreditua berdin banatuko da eskatzaile guztien artean, gehienez kostuaren % 50eraino eta ikuskizun bakoitzeko 2.500 euroraino.

b) Antzerki- eta/edo dantza-ikuskizunaren kostuaren arabera diru-laguntza.

Eskatzaileek gehienez lau (4) ikuskizun aurkeztu ahal izango dituzte modalitate honetan. Bizkaiko Foru Aldundiak ikuskizunen kosturako diru-laguntza emango du. Kostua BEZik gabeko katxeta izango da baldin eta erakundeak BEZ hori berreskura badezake edo hari konpentsa badieziokete, bestela katxeta gehi BEZa; horretarako dagoen kreditua berdin banatuko da erakunde eskatzaile guztien artean, gehienez kostuaren % 50eraino eta ikuskizun bakoitzeko 4.000 euroraino.

c) Puntuaren arabera diru-laguntzak (antzerkia, musika eta/edo dantza).

Aurreko apartatuetan sartzan ez diren ikuskizunak puntuazio-taula hauen arabera puntuatuko dira, eta ikuskizun bera ezin izango da modalitate batean baino gehiagotan aurkeztu:

BEZaren zenbatekoa katxetik kanpo dagoela ulertuko da baldin eta erakundeak BEZ hori berreskura badezake edo hari konpentsa badieziokete; bestela BEZa barne dagoela joko da.

c1) Programazio eszeniko arrunta (antzerki- eta/edo musika-ikuskizun bakoitzeko puntuazioa).

2.000 eurorainoko katxeta, 2 puntu.

2.000,01 eta 3.000 euro bitarteko katxeta, 3 puntu.

3.000,01 eta 4.500 euro bitarteko katxeta, 4 puntu.

4.500,01 eta 6.000 euro bitarteko katxeta, 5 puntu.



- 6.000,01 eta 9.000 euro bitarteko katxeta, 6 puntu.
9.000,01 eta 12.000 euro bitarteko katxeta, 8 puntu.
12.000,01 eta 15.000 euro bitarteko katxeta, 10 puntu.
15.000,01 eta 18.000 euro bitarteko katxeta, 12 puntu.
18.000,01 eta 21.000 euro bitarteko katxeta, 14 puntu.
21.000,01 eta 24.000 euro bitarteko katxeta, 16 puntu.
24.000,01 eurotik gorako katxeta, 18 puntu.
- c2) 11,4 bereziko antzerki-ikuskizunen programazioa.
Honako hauek hartuko dira interes bereziko ikuskizuntzat:
- 1) Oso-osorik euskaraz egiten direnak.
 - 2) 2015., 2016., 2017. eta 2018. urteetako deialdietan ekoizpenerako Eusko Jaurlaritzaren laguntza izan dutenak.
 - 3) Antzoki berean eta antzezpen batean baino gehiagotan taularatzen direnak. Azken kasu horretan, antzezpen guztiengatik batera ordaindutakoa izango da katxeta.
- Hauxe izango da puntuazioa:
- 2.000,00 eurorainoko katxeta, 3 puntu.
2.000,01 eta 3.000 euro bitarteko katxeta, 4 puntu.
3.000,01 eta 4.500 euro bitarteko katxeta, 5 puntu.
4.500,01 eta 6.000 euro bitarteko katxeta, 6 puntu.
6.000,01 eta 9.000 euro bitarteko katxeta, 7 puntu.
9.000,01 eta 12.000 euro bitarteko katxeta, 9 puntu.
12.000,01 eta 15.000 euro bitarteko katxeta, 11 puntu.
15.000,01 eta 18.000 euro bitarteko katxeta, 13 puntu.
18.000,01 eta 21.000 euro bitarteko katxeta, 15 puntu.
21.000,01 eta 24.000 euro bitarteko katxeta, 17 puntu.
24.000,01 eurotik gorako katxeta, 19 puntu.
- c3) Antzerkiko bira-ikuskizunak eta 2018-2019. urtean hitzartutako zirkuitua duten ekoizpenei dagozkien ikuskizunak.
Honako hauek joko dira bira-ikuskizuntzat: astean gutxienez hiru (3) saio koordinatuz edo bi astean gutxienez lau (4) saio koordinatuz ematen diren ikuskizunak, saio horietako bakoitza Euskal Autonomia Erkidegoko herri batean egiten bada eta ikuskizunak erkidegoz kanpoko erakundeek ekoiztuta badaude. Saioak zenbatzean, SAREAKoak ez diren Euskal Autonomia Erkidegoko antzokietan egin diren antzezlanak ere kontuan hartu ahal izango dira.
- Hitzartutako zirkuitua duten ekoizpenei dagozkien ikuskizunak Eusko Jaurlaritzak diruz lagundutako ikuskizunak dira, «Antzerki-jarduera profesionaletarako diru-laguntzak: Hitzartutako zirkuitua duten proiektuetarako laguntzak» (2018-2019) linearen barruan.
- 2.000 eurorainoko katxeta, 4 puntu.
2.000,01 eta 3.000 euro bitarteko katxeta, 5 puntu.
3.000,01 eta 4.500 euro bitarteko katxeta, 6 puntu.
4.500,01 eta 6.000 euro bitarteko katxeta, 7 puntu.
6.000,01 eta 9.000 euro bitarteko katxeta, 8 puntu.
9.000,01 eta 12.000 euro bitarteko katxeta, 10 puntu.
12.000,01 eta 15.000 euro bitarteko katxeta, 12 puntu.
15.000,01 eta 18.000 euro bitarteko katxeta, 14 puntu.



- 18.000,01 eta 21.000 euro bitarteko katxeta, 16 puntu.
21.000,01 eta 24.000 euro bitarteko katxeta, 18 puntu.
24.000,01 eurotik gorako katxeta, 20 puntu.
- c4) Dantza-ikuskizunak: folklorea, euskal dantza tradizionala, garaikidea eta klasikoa.
- 2.000 eurorainoko katxeta, 5 puntu.
2.000,01 eta 3.000 euro bitarteko katxeta, 7 puntu.
3.000,01 eta 4.500 euro bitarteko katxeta, 9 puntu.
4.500,01 eta 6.000 euro bitarteko katxeta, 11 puntu.
6.000,01 eta 9.000 euro bitarteko katxeta, 13 puntu.
9.000,01 eta 12.000 euro bitarteko katxeta, 15 puntu.
12.000,01 eta 15.000 euro bitarteko katxeta, 17 puntu.
15.000,01 eta 18.000 euro bitarteko katxeta, 19 puntu.
18.000,01 eta 21.000 euro bitarteko katxeta, 21 puntu.
21.000,01 eta 24.000 euro bitarteko katxeta, 23 puntu.
24.000,01 eta 40.000 euro bitarteko katxeta, 25 puntu.
40.000,01 eurotik gorako katxeta, 27 puntu.

Eskabide bakoitza puntuatuko da eta aurkeztu diren eskabide guztien puntuak batu-ko dira; ondoren, apartatu honetarako dagoen kreditua gehi a eta b apartatuetan sobera gelditu den kreditua (horrelakoa gertatu bada) batuko dira, oinarri honen 2. apartatuan adierazten den moduan; eta batura hori zatituko da eskabide guztien puntuen batura osoaz, horrela balio ekonomiko bat puntu bakoitzeko zehaztuz. Eskabide bakoitzak jasoko duen diru-laguntza kalkulatzeko, honako eragiketa hau egingo da: eskabide bakoitzaren puntuen kopurua bider puntu bakoitzak duen balio ekonomikoa.

2. Oinarri honen 1. paragrafoko a) eta/edo b) apartatuetan kreditu sobera geratzen bada, kreditu hori automatikoki c) apartatura pasatuko da, dagokion onuradun-taldean.

3. Diru-laguntzaren gehieneko zenbatekoa, erakunde onuraduneko, ezin izango da inola ere berrogeita hamabost mila (55.000,00) eurotik gorakoa izan.

Erakunde onuradun bati berrogeita hamabost mila (55.000,00) eurotik gorako diru-laguntza egokituz gero, diru-laguntzaren soberakin hori c) apartatura pasatuko da, dagokion onuradun taldean, eta gainerako erakunde eskatzaileen artean banatuko da. Eskatzaileko berrogeita hamabost mila (55.000,00) eurotik gorako diru-laguntzak sortzen diren beste bider errepikatuko da prozesu hori.

4. Emandako diru-laguntzak ezin izango du inoiz gainditu diruz lagundutako ikuskinen kontratazio-kostu osoa.

10. oinarria. — Aholkularitza

Euskara, Kultura eta Kirol Saileko Kultur Ekintzako Zerbitzuak behar den laguntza teknikoa edo aholkularitza eskainiko ditu foru-dekretu hau dela-eta sortutako zalan-tza edo kontsulta guztiak argitzeko, web orri honen bidez: <http://www.bizkaia.eus/laguntzailleKulturEkintza>.

11. oinarria. — Ebazpena

1. Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren 22.4. artikuluan xedatutakoa betez, deialdi honetan, interesdunei ez zaie, lehenbizi behin-behineko ebazpen-proposamena eman, eta, gero, entzunaldiaren izapidea eskainiko, zeren prozeduran interesdunek ekarri dituzten egitateak, alegazioak eta frogak besterik ez baitira jaso eta kontuan hartuko.

2. Deialdia ebatzi aurretik, Kultur Ekintzako Zerbitzuak egiaztatuko du ea eskatzaileek egunean dituzten zerga-betebeharrak eta Gizarte Segurantzari dagozkionak.



Egiatzapen hori egin ondoren, eskatzaileraren batek betebeharrorietako edozein ez duela betetzen ikusten bada, agindeia egingo zaio hamar (10) eguneko epean egoera hori erregulariza dezan, eta ohartaraziko zaio hori egiten ez badu bere eskabidean atzera egindakotzat joko dela.

3. Eskabideei buruzko ebazpena emateko eta jakinarazteko epea hiru (3) hilabete izango da, gehienez, eskabideak aurkezteko epea amaitzen denetik zenbatuta.

Euskara, Kultura eta Kirol Saileko foru-diputatuak emango du ebazpena, Kultur Ekin-tzako Zerbitzuak proposamena eginda.

Epe hori eskabideari buruzko ebazpen espresurik eman eta jakinarazi gabe igarotzen bada, eskabidea ezetsizat joko da; hala ere, geroago ebazpen espresua eman ahal izango da.

4. Deialdi hau ebazteko ematen den foru-agindua deialdi publiko honetarako eskabidea aurkeztu duten erakunde interesdunei jakinaraziko zaie; horretarako, iragarkia argitaratuko da Bizkaiko Aldizkari Ofizialean. Egoitzan agertzeko sistemaren bidez ere jakinaraziko zaie erakunde interesdunei.

Jakinarazpenean, berariaz jasoko da ebazpenak administrazio-bidea agortzen duela eta haren aurka errekurtsio hauek aurkez ditzaketela behean adierazitako interesdunek:

- a) Administrazio publiko interesdunak: bi hilabete izango ditu, ebazpen hau jakinarazten zaion egunaren biharamunetik zenbatzen hasita. Aurrez errekerimendua egin bada —Administrazioarekiko Auzien Jurisdikzioa arautzen duen uztailaren 13ko 29/1998 Legearen 44. artikuluan xedatzen denaren arabera—, orduan, errekurtsioa aurkezteko epea erabaki espresuaren jakinarazpena jaso eta biharamunean hasiko da zenbatzen edo, bestela, ustez ezetsizat jo eta biharamunean.
- b) Erakunde interesdunak: foru-agindu horren aurka aukerako berraztertze-errekurtsioa jar dezake, Bizkaiko Foru Aldundiaren Euskara, Kultura eta Kirol Saileko foru-diputatuaren aurrean, hilabeteko (1) epean, edo administrazioarekiko auzi-errekurtsioa, bi (2) hilabeteko epearen barruan; epeok jakinarazpena egin eta biharamunean hasiko dira zenbatzen.

12. oinarria.— Beste diru-laguntza batzuekiko bateragarritasuna

1. Foru-dekretu honetako diru-laguntzak bateragarriak izango dira helburu bererako Estatuko, Europar Batasuneko edo nazioarteko edozein administrazioek edo erakunde publikok zein pribatuk ematen dituen diru-laguntza, laguntza, diru-sarrera edo baliabi-deekin (Bizkaiko Foru Aldundiak berak ematen dituenak izan ezik).

2. Diru-laguntza emateko kontuan hartu diren baldintzetakoren bat aldatzen bada, eta betiere aldi berean udalerrietako, autonomia-erkidegoetako, Estatuko edo nazioarteko beste administrazio edo erakunde publiko batek emandako beste diru-laguntza, laguntza, diru-sarrera edo baliabideren bat lortzen bada, gerta liteke diru-laguntza emateko ebazpena aldatzea, zeren foru-dekretu honen bitartez araututako diru-laguntzen zenbatekoa, bakarrik zein beste diru-laguntza edo laguntza, diru-sarrera edo baliabide batzuekin bat eginda, inola ere ezin baita izan onuradunak egin beharreko jardueraren kostua baino handiagoa.

IV. TITULUA

DIRU-LAGUNTZAK KUDEATZEA ETA JUSTIFIKATZEA

13. oinarria.— Diru-laguntza ordaintzea

1. Baldin eta deialdi hau ebazteko ematen den foru-agindua Bizkaiko Aldizkari Ofizialean argitaratu eta ondorengo hamar (10) egun baliodunak igarota erakunde onuradunak ez badio uko egiten beren beregi egoitzan agertzeko sistemaren bidez, orduan, diru-laguntza onartu duela ulertuko da.

Diru-laguntza eman dela Bizkaiko Aldizkari Ofizialean argitaratu ondorengo hamar (10) egun baliodunak igaro eta berehala, Kultur Ekin-tzako Zerbitzuak diru-laguntzaren



zenbatekoaren ordainketa izapidetuko du, Ogasun eta Finantzen Foru Sailean, eta, horretarako, erakunde onuradunei ez zaie inolako bermerik eskatuko.

2. Diru-laguntza ordaindu baino lehen, onuradunek zerga-betebeharrak eta Gizarte Segurantzarekikoak egunean dituztela egiaztatuko da. Egiaztapena egin ondoren ikusten bada onuradunetako batek betebeharrak horietako edozein ez duela betetzen, errekerimendua egingo zaio hamar (10) eguneko epean egoera hori erregulariza dezan, eta ohartaraziko zaio ezen, hala egiten ez badu, emandako diru-laguntza jasotzeko eskubi-dea galduko duela.

14. oinarria. — Diru-laguntza onuradunaren borondatez itzultzea

1. Martxoaren 23ko 34/2010 Foru Dekretuaren 76. artikuluan xedatutakoaren arabera (dekretu horren bidez, Diru-laguntzen Erregelamendua onesten da, 2005eko maiatzaren 31ko 5/2005 Foru Araua garatzen duena), onuradunak bere ekimenez itzuli ahal izango du Bizkaiko Foru Aldundiak emandako diru-laguntza, foru-erakundeak aurretik eskatu gabe.

Halakoetan, Bizkaiko Foru Aldundiak diru-laguntza benetan itzultzen den arte sortutako berandutze-interesak kalkulatuko ditu, aipatutako 76. artikuluan eta 5/2005 Foru Arauaren 34. artikuluan ezarritakoarekin bat etorrira.

2. Erakunde onuradunak ordainketa-gutun bat erabili behar du diru-laguntza forala bere ekimenez itzultzeko. Ordainketa-gutun hori Kultur Ekintzako Zerbitzuaren bulegoetan izapidetuko da, onuradunak eskatuta. Ordainketa-gutunean honako hauek adierazi behar dira: itzuli beharreko zenbatekoa (printzipala eta berandutze-interesak), ereduaren kodea eta diru-laguntza itzultzeko arrazoia. Hori guztia itzuli behar den diru-laguntzari erreferentzia eginez adieraziko da.

3. Diru-laguntzaren onuradunak finantza-erakunde batean ordainketa egin ondoren, ordainketaren kopia edo diru-sarreraren frogagiria bidali beharko dio Euskara, Kultura eta Kirol Saileko Kultur Ekintzako Zerbitzuari.

15. oinarria. — Justifikazioa egiteko epea eta era

Foru-dekretu honen bitartez araututako diru-laguntzen erakunde onuradunek honako konpromiso hauek bete beharko dituzte:

1. Diruz lagundutako ikuskizun-programa 2019an zehar gauzatzea.

2. Bizkaiko Foru Aldundiaren martxoaren 23ko 34/2010 Foru Dekretuaren bidez onetsitako Diru-laguntzei buruzko Erregelamenduaren 57. artikuluekin bat etorrira, Bizkaiko Foru Aldundiko Euskara, Kultura eta Kirol Sailean justifika behar dute proiektua egin dela, hura emateko oinarri izan ziren baldintzak bete direla eta diruz lagundutako proiektuaren zenbateko araztuaren gastua jarduerari aplikatu zaiola. Horretarako, justifikazio-eredua aurkeztu beharko da Bizkaiko Foru Aldundiaren egoitza elektronikoan (<https://www.ebizkaia.eus/eu/hasiera>), 2020ko otsailaren 27a baino lehen (egun hori barne), dokumentazio honekin batera:

a) Diru-laguntza ematerakoan ezarritako baldintzak bete direla justifikatzen duen jarduera-memoria, jardueren betetze-maila adierazita.

b) Diru-laguntza eskatzen den antzerki, musika eta dantza ikuskizunen zerrenda, haietako bakoitzean ikusle-kopurua adieraziz. Eskaintako programazioa era hauetakoren baten bidez egiaztatuko da:

1) Programatutako ikuskizunetako bakoitzaren fakturaren kopia.

2) Sinatutako kontratuen kopia, edo egindako antzezpenenak egiaztatzen dituzten beste agiri batzuenak; agiriok kontratatzaileak eman behar ditu; onargarriak izan behar dira Zuzenbidean, eta zehaztu behar dute jarduera egin dela eta zenbat ordaindu zaion enpresari.

Leihatilari loturiko ikuskizunei dagokienez, halakoetan ikuskizunari dagozkion leihatila-orriak erantsi beharko dira.



- c) Egindako jardueren kostua justifikatzen duen txosten ekonomikoa, honako alderdi hauek jasotzen dituena:
- 1) Proiektuari egotzitako sarreren eta gastuen egoera-orria, egoitzan dagoen ereduaren arabera.
 - 2) Gastu-partida bakoitzean, diru-laguntza jaso duen jardueraren gastuen zerrenda, egoitzan dagoen ereduaren arabera.
 - 3) Aurreko idatz-zatian aipatutako zerrendan jaso diren fakturak edo merkataritzako trafiko juridikoan frogabaliokidea edo eraginkortasun administratiboa duten gainerako agiriak eta, hala bada, ordainketa egiaztatzeko agiriak.
 - 4) Diruz lagundutako jarduera finantzatzen duten diru-laguntzen, laguntzen, sarreren edo baliabideen xehetasuna, eta, hala bada, finantzaketa propioarena ere bai. Xehetasun hori egoitzan dagoen ereduaren arabera egingo da.
- d) Diruz lagundutako gastuaren aurrekontua justifikatzeko, 2005eko maiatzaren 31ko 5/2005 Foru Arauaren 29.3 artikuluan xedatutakoaren arabera, foru diru-laguntzaren erakunde onuradunak egiaztariak aurkeztu behar ditu, gutxienez hiru hornitzailek egin dizkieten eskaintzak justifikatzeko, baldin eta administrazio-kontrataziorako araudian kontratu txikirako ezarritako zenbatekoak gainditzen badira, salbu eta kontratuaren ezaugarri bereziak direla-eta merkatuan ez bada go halakorik egin dezakeen erakunde nahikorik edo gastua eskabidea aurkeztu aurretik egin bada.
- Aurkezten diren eskaintzen artean aukeratzeko, efizientzia- eta ekonomia-irizpideen arabera jokatu da. Hala, proposamen ekonomikorik onena aukeratzeko ez denean, beren-beregi justifikatu behar da inguruabar hori, memoria baten bidez.
- e) Egitaraua gauzatzeko prestatutako esku-egitarau, kartel, argazki, argitalpen, ikus-entzunezko eta informatikako materialen aleak, baita beste edozein motatako agiri grafikoren aleak ere; haietan, erraz ikusteko eran agertu behar da jardueraren horretarako Bizkaiko Foru Aldundiak diru-laguntza eman duela; horretarako, Bizkaiko Foru Aldundiaren erakunde-elementuak sartuko dira material horietan, foru-dekretu honen 16. oinarriaren g) letran ezarritakoarekin bat etorrira.

16. oinarria. — Diru-laguntzaren onuradunaren beste betebeharrak

Onuradunak betebeharrak hauek ere izango ditu:

- a) Sareak Bizkaia mailan zein Euskadiko Autonomi Erkidego mailan dei egindako bileretan parte hartzea.
- b) Sarearen koordinazio-bulegoari, berez zabaltzeko, urteko estatistika-txostena prestatzeko edo arte eszenikoen sektoreari loturiko beste edozein txosten prestatzeko eskatzen duen informazioa eskaintzea.
- c) Diru-laguntza emateko orduan kontuan hartu den edozein alderdi objektibo edo subjektibok aldatetaren bat izan badu, horren berri ematea diru-laguntza eman dionari, egoitzaren bidez.
- d) Diruz lagundutako jarduera kontrolatzeko, haren jarraipena egiteko edo ikuskatzeko eginkizunak edo ahalmenak betetzen laguntzea.
- e) Euskara, Kultura eta Kiroleko Foru Sailari laguntzea, hala eskatzen bazaio, eta kultura arloko edozein informazio ematea (azterlanak, inkestak, datu estatistikoak, etab.).
- f) Euskara, Kultura eta Kiroleko Foru Sailak, Ogasun eta Finantzen Foru Sailak eta Herri Kontuen Euskal Epaitegiak egiten dituzten egiaztapen-jarduerak onartzea.
- g) EAEko hizkuntza ofizial biak erabiltzea diru-laguntzaren xede den jardueraren publizitatean eta zabalkundeetan, bai euskarri grafikoan bai ikus-entzunezko komunikabideetan (era guztietako iragarkiak, kartelak, liburuxkak...).



Era berean, Bizkaiko Foru Aldundiaren babesa agerrarazi beharko da; horretarako, Bizkaiko Foru Aldundiaren irudi korporatiboan ezarritako elementuak baliatuko dira, eta logotipoaren aldamenen esaldi hau agertuko da, hitzez hitz:

«Bizkaiko Foru Aldundiak babestutako ekintza / Actividad subvencionada por la Diputación Foral de Bizkaia.»

Euskara hutsean garatutako proiektuetan, gainera, euskararen txantxangorriaren irudia sartu beharko da.

- h) Emakumeen eta gizonen berdintasuna sustatzea lanpostuen definizio, sarbide, kontratazio eta iraungipenean, lanbide-sailkapenean, sustapenean, prestakuntzan, laneko segurtasun eta osasunean, ordainsari-politikan, erantzunkidetasunean, bizitza pertsonal, lan-bizitza eta familia-bizitza uztartzearen arloan, lanaren kalitate eta egonkortasunean, lanaldiaren iraupen eta antolamenduan, ekintza sindikal, ordezkaritza eta negoziazio kolektiboan, betiere diskriminaziorik sortzen ez duten lan-baldintza duin eta gizalegezkoak bermatuta.
- i) Zaintzea emakumeen eta gizonen tratamendua, protagonismoa eta balorazioa baliokideak izan daitezen, eta berdintasuna, presentzia orekatua, dibertsitatea, erantzunkidetasuna, eta generoaren rol eta identitateen aniztasuna balio dituen irudi bat sustatzea idatzizko zein ahozko komunikazioetan, ikonografian, publizitate-ekintzetan, barruko zein kanpoko komunikazio formal eta informalean, eta proiektuari edo jarduerari lotutako edo proiektua edo jarduera egiteko sortutako materialetan.
- j) Diruz lagundutako proiektua gauzatzen den bitartean, ez erabiltzea hizkera sexistarik dokumentuetan, ikus-entzunezkoetan eta gisakoetan (idatzizkoetan zein digitaletan), eta pertsonen buruzko edozein estatistikatan datuak sexuaren arabera bereiz jasotzea, hala ezartzen baitu arlo horretan gorde behar diren printzipio nagusiak jasotzen dituen Emakumeen eta Gizonen Berdintasunerako ekainaren 20ko 4/2018 Foru Arauaren 3 artikulua.
- k) Bizkaiko Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren 13. artikuluan eta Bizkaiko Foru Aldundiaren martxoaren 23ko 34/2010 Foru Dekretuaren bidez onetsi den Diru-laguntzen Erregelamenduaren 54. artikuluan eta hurrengoetan ezarritako gainerakoak.
- l) Deialdi honi dagokionez, diru-laguntza foral baten erakunde onuradunek bete egin behar dituzte 5/2005 Foru Arauaren 27. artikuluan eta Diru-laguntzen Erregelamenduaren 53. artikuluan azpikontratazioaren arloa dela-eta arautzen diren betekizunak eta debekuak.

Onartutako azpikontratazioaren gehieneko ehunekoa diruz lagundutako jardueraren %90 izango da.

17. oinarria. — Itzulketa

1. Zenbait kasutan itzuli egin beharko dira jasotako diru-laguntza eta dagozkion berandutze-interesak; hain zuzen ere, hala egin beharko da baldin eta ez bada betezen aurreko oinarrian edo Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren 33. artikuluan edo Bizkaiko Foru Aldundiaren martxoaren 23ko 34/2010 Foru Dekretuaren bidez onetsitako Diru-laguntzen Erregelamenduan jasotako betebeharretariko bat edo batzuk; besteak beste, honelakorik gertatzen bada itzuli beharko dira:

- a) Justifikatu beharra ez betetzea.
- b) Emandako diru-laguntzaren helburua ez betetzea.
- c) Diru-laguntza justifikatzen ez bada edo foru-dekretu honetan ezarritakoaren arabera nahiko edo behar bezala justifikatzen ez bada, justifikatu ez den diru-laguntzaren zatia eta sortutako berandutze-interesak itzuli beharko dira, Bizkaiko Foru Aldundiko Kultura Ekintza Zerbitzuak horretarako errekerimendua egin ondoren.



- d) Diru-laguntza lortzea nahiz eta horretarako baldintzak bete ez.
 - e) Ezarritako kontrol-jarduerak egiten ez uztea, edo horretarako oztopoak jartzea.
 - f) Foru-dekretu honetan ezarritako gainerako baldintzak ez betetzea.
2. Diru-laguntza jaso duen jardueraren kostua baino finantzaketa gehiago jasotzen bada, diru-laguntza itzuli beharko da.

18. oinarria. — Aurrekontuko partida

Hau izango da deialdi honetako diru-laguntzak emateko aurrekontuaren muga:

1. Udalentzat eta udal erakunde autonomoentzat: laurehun eta hamar mila (410.000) euro, 2019ko ekitaldirako indarrean dagoen aurrekontuko 0405/334104/43299 partidaren 2007/0208 proiektuaren pentzudan.

Zenbateko hori, hasieran, honela banatuko da:

- a) Musika-ikuskizunaren kostuaren proportzioaren araberako diru-laguntza: hirurogei eta hamar mila (70.000) euro.
- b) Antzerki- eta/edo dantza-ikuskizunaren kostuaren araberako diru-laguntza: ehun eta laurogeita bost mila (185.000) euro.
- c) Puntuen araberako diru-laguntzak (antzerkia, musika eta/edo dantza): ehun eta berrogei eta hamabost mila (155.000) euro.

Oinarri honen 1. paragrafoko a) eta/edo b) apartatuetan kreditu sobera geratzen bada, kreditu hori automatikoki c) apartatura pasatuko da, dagokion onuradun-taldean.

2. Udal sozietate publikoentzat: ehun eta hogeitabost mila (125.000) euro, 2019ko ekitaldirako indarrean dagoen aurrekontuko 0405/334104/44300 partidaren 2007/0208 proiektuaren pentzudan.

Zenbateko hori, hasieran, honela banatuko da:

- a) Musika-ikuskizunaren kostuaren proportzioaren araberako diru-laguntza: hogei eta hamar mila (30.000) euro.
- b) Antzerki- eta/edo dantza-ikuskizunaren kostuaren araberako diru-laguntza: berrogeita hamabost mila (55.000) euro.
- c) Puntuen araberako diru-laguntza (antzerkia, musika eta/edo dantza): berrogei mila (40.000) euro.

Oinarri honen 2. paragrafoko a) eta/edo b) apartatuetan kreditu sobera geratzen bada, kreditu hori automatikoki c) apartatura pasatuko da, dagokion onuradun-taldean.

AZKEN XEDAPENAK**Azken xedapenetako lehenengoa. — Ahalmena ematea**

Ahalmena ematen zaio Euskara, Kultura eta Kiroleko foru-diputatuari, foru-dekretu honetan xedatutakoa ondoen garatzeko beharrezkoak diren xedapen guztiak eman ditzan.

Azken xedapenetako bigarrena. — Indarrean jartzea

Foru dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon emana, 2019ko uztailaren 9an.

Ahaldun Nagusia,
UNAI REMENTERIA MAIZ

Euskara, Kultura eta Kiroleko
foru diputatua,
LOREA BILBAO IBARRA